

Naalakkersuisut siulittaasuat

Landsstyreformanden

Inatsisartunut ilaasortaq Asii Chemnitz Narup  
Inatsisartut allattoqarfiat  
Maani

04.02.2008  
J.nr. 02.14

Postboks 1015  
3900 Nuuk  
Oq/tel +299 34 50 00  
Fax +299 32 50 02  
govsec@gh.gl  
www.nanoq.gl

## Naalakkersuisunut apeqquiteqaatit

Matumuuna apeqqutit ataani pineqartut Inatsisartut suleriaasianni § 36, imm. 1 naapertorlugu Naalakkersuisunut apeqqutigineqartut akissuteqarfigissavakka. Apeqqutit 23. januar 2008 tiguneqarput.

### Apeqqutit:

#### **” Anders Fog Rasmussen-ilu isumaginninneq pillugu isumaqatigiissutersi naak?**

- 1) *Ministeriuneq Anders Fog Rasmussenilu inunnik isumaginninnermut tunngasunut suleqatigiinnissamut isumaqatigiissutersi sunik imaqarpa?*
- 2) *Qaqugu tamanut saqqummiutissava?*
- 3) *Danskit nunatsinnilu naalakkersuisut akornanni suleqatigiinnissamut isumaqatigiissuteqartoqartillugu ingerlaannaq avammut tamanut saqqummiunneqartarnerat maannamut nalinginnaasumik suleriaasiusimavoq. Sooq isumaginninnermut ilinniartarfik pillugu isumaqatigiissutersi suli tamanut saqqummiutinngila, uffa januarip 10-anili radioaviisikkut apersorneqarlutit isumaqatigiissuteqarlusi inuiaqatigiinnut tusarliutereeraluarit?*
- 4) *Statsministeriaqarfimmiut isumaqatigiissusiortoqarsimaneranik ilisimasaqannginnerarput, tamana qanoq paasisariaqarpa?*
- 5) *Aleqa Hammond Ilaqutariinnut naalakkersuisuunermi martsimi 2006-imi danskit taamani isumaginninnermut naalakkersuisuutitaanik suleqatigiinnissamut isumaqatigiissuteqarpoq – aamma isumaginninnikkut suleqatigiinnissamut imaqartumik. Taanna ulloq manna tikillugu qanoq atorluarneqartigaa?*
- 6) *Isumaqatigiissut 2006-imeersoq naammaginngitsutut nalilersimagakku nutaamik Statsministerimut isumaqatigiissuteqarpiit?”*

### Akissut:

Januarip qulingani 2008 statsministeri ataatsimeeqatigaara. Ataatsimiinnitsinni ilaatigut eqqaaneqarpoq TV-iikkut aallakaatitassiaq ”Flugten fra Grønland” – Kalaallit Nunaanniit qimarranneq. Tassungalu atatillugu aamma eqqartorparput danskit velfærdsministeriata Danmark-imi qineqqusaarnerup nalaani Kalaallit Nunaannut ikiuunnissamik neriorsuutaata qanoq piviusunngortinneqarsinnaanera. Tassungalu atatillugu uanga erseqqissaatigaara Perorsaaneramik Ilinniartarfimmi inunnik isumaginnittunngorniarluni ilinniartitaanerni ilinniakkat qaffasinnerusunngortinneqarnissaat pisariaqartikkippat. Taamaattumillu suleqatigiinnissamut isumaqatigiissuterput 30. marts 2006-imeersoq naapertorlugu isumaqatigiissutigaarput Ilaqutariinnermut peqqinnissamullu Naalakkersuisoq aamma danskit velfærdsministeriat oqaloqatigiissuteqalissasut isumaginnittunngorniarluni ilinniartitaanerit piginnaaneqarnikkut qaffasinnerusunngortinneqarnissaannik siunertaqartumik.

Tassalu uanga statsministerillu akornatsinni nutaamik allaganngorlugu isumaqatigiissutaanngilaq, kisiannili suleqatigiinnissamik isumaqatigiissuterput 30. marts 2006-imeersoq naapertorlugu akunnitsinni oqaloqatigiinnikkut isumaqatigiinnerulluni. Ilimanarpoq KNR-imi ilanngutassiap qulequtaa aallaqqaataasorluunniit paatsoornermut pissutaasimassa-soq.

Ilanngullugulu ilisimatitsisutigisinnaavara Ilaqutariinnermut Pisortaqarfiup suleqatigiinnissamut isumaqatigiissutip 30. marts 2006-imeersup periarfissiissutai makkunuunatigit iluaqutiginiarsimammagit:

Meeqqat inuusuttullu pillugit suliassaqarfiit iluanni meerartatsinnik sumiginnaasar-nermut tunngasutigit paasisitsiniaanerni suleqatigiittoqarsimavoq.

Velfærdsministeriap internet-imi quppernerani "Vores ansvar" – "uagut akisussaaffipput" 2006-imi kalaallinut naleqqussarneqarsimavoq, aammalu [www.nanoq.gl](http://www.nanoq.gl) –imi ilaalersimalluni. Immikkut ittumik suliniutit/uagut akisussaaffipput.

Aammattaaq 2006-imi qppersakkanik sisamanik saqqummersitsisoqarpoq, nunatsinni tamarmi illunut kalaallisut danskisullu agguanneqartunik.

1. *Meeqqanik kinguaassiuutitsigit atornerluisoqarneranik pasisaqarpit?*
2. *Meeqqanut nakuusertoqartarneranik pasisaqarpit?*
3. *10-mut kisitsigit imminut aqussinnaajumallutit.*
4. *Atornerluisoqarpat qanoq periuseqarfigissaviuk?*

Aammattaaq kommunini ikiuunnissamut piareersimajuannarnissaq pillugu isumassar-siortarfissatut allattugaatissanik missingersuut suliarineqarpoq, *kinguaassiuutitsigit atornerluisoqartillugu, timikkut tarnikkulluunniit kannguttaattulliorfiginnittoqartillugu, - sioqqutisumik, pisoqarnerata nalaani kingornalu* iliuusissat kalaallinut naleqqussarneqarput, kalaallisunngortinneqarlutillu. Naatsorsuutigineqarpoq taakkua 2008-ip ukiaani saqqummissasut.

Kiisalu Velfærdsministeriap 2006-imi 500.000 kr. it aningaasaliissutigai Peder Sabroe Seminariamut kommunini ulloq unnuarlu isumaginniffinni sulisuusut, meeqqanik inuusuttuaqqanillu suliaqartut ilinniaqqinnissaannut atugassatut. Peder Sabroe Seminariap Perorsaanermik Ilinniarfik / Socialpædagogisk Seminarium suleqatigaa. Ilaqutariinnermut Pisortaqarfiup ilassutitut 300.000 kr.-it suliniummut aningaasaliissutigai.

Taamaalilluni suleqatigiinnissamut isumaqatigiissut tigussaasunik inerititaqarfioreerpoq.

Inussiarnersumik inuulluaqqusillunga

Hans Enoksen